

Bernardo Vos tabata esun cu a distingui su mes cu e miho prestacion

Den ambiente agradabel Valero a entrega certificado na 4 hoben di formacion social



Durante cu tabata mira un film riba kico e hobennan a traha ariba durante e 4 lunanan den Valero.



Ta Franklin Henriquez, Bernardo Vos, Benedict Croes y Jean Pierre Winterdaal ta e cuatro hobennan cu a haya nan certificado, hunto cu prome Minister Mike Eman, Comandante di Marinier Kazerne Hofma, Capitan Werleman, director di Valero, sr. Buckley, representante di VNO sr. Diederik Ten Holder, coordinadora di e proyecto Jessie Ras, sin lubida e funcionarionan involvi den e proyecto aki.

ORANJESTAD- Cuatro hoben mas di Formacion Social a haya nan certificado. E biaha aki ta esnan cu a traha durante cuatro luna largo den refinaria Valero como parti di nan stage di e trayecto Formacion Social. E cuatro hobennan a wordo completamente poni 'in het zonnetje' dor di tur involvi. Tabata bunita y emocionante pa mira y experiencia con hopi tur hende a hinca di nan banda pa e hobennan aki por tabata para ey dilanti cu certificado den man, orguyoso di nan logro y prestacion. Banda di nan cuatro tur presente tabatin sentimentonan di orguyo comparti. E esfera tabata respira positivismo.

PROYECTO CU TA HALA ATENCION

Mayornan y famia cu ta hunga un rol importante den e proyecto social aki tabata presente, mescos tambe Comandante di Mariniers Kazerne Hofma, Capitan Werleman kende ta masha involvi den guia

e hobennan den e prome cuatro lunanan di e trayecto. Tambe presente tabata director na Aruba di Valero sr. Buckley, representante di VNO sr. Diederik Ten Holder, coordinadora di e proyecto Jessie Ras, Prome Minister di Aruba Mike Eman, kende den cooperacion estrecho y cu ayudo di Hulanda a realisa e proyecto aki cu ta un paso positivo den e bon direccion. Un proyecto cu sin duda ta hala atencion tur caminda pa su resultadonan fantastico.

EXPERIENCIA DEN FORMA VIRTUAL

Prome cu a bay over na haci entrega di e certificadonan y un recuerdo di aprecio di glas cu un inscripcion den dje, a pasa un 'film' na unda por a mira riba kico e hobennan a traha durante e 4 lunanan den Valero. Nan a siña welder, siña traha cu cautela teniendo semper siguridad na cuenta, siña midi y traha un cura di bloki y mucho mas. Tabata un periodo fructifero, un

periodo educativo. Tur esaki a wordo haci bou guia di empleadonan di Valero cu a tuma nan tempo pa dedica na forma e adulto hobennan aki y siña nan tambe loke nifica experiencia di bida.

NA FIN DI DIA E EMPUE TA

CONTA

E cuatranan cu a haya nan certificado ta Franklin Henriquez, Bernardo Vos, Benedict Croes y Jean Pierre Winterdaal. Bernardo Vos ta esun cu a duna miho prestacion pa cua el a haya un recuerdo cu e

bunita inscripcion "whether it's a simple task or complex project, at the end of the day performance counts". Despues di e discursonan a sigui un celebracion, pasobra sin duda e logro di e hobennan ta algo di celebra. □



**RADIO
NEDERLAND
WERELDOMROEP**